



Senin, 8 April 2024

Ogen : Habakuk 1: 1-4



Kejahaten I Ja Pa Pe



Kegeluhen enda la adil. Banci jadi pernah bage mentas i bas perukurenta. Sebab alu matata jine siidah maka mbue kalak la bujur tapi geluhna jore. Tapi lit kalak bujur, kadena pe sulit, mbue ka perbebenna. Mbaru enda kita isenggeti alu sada berita kerna sekalak artis si perbulangenna itangkap polisi erkiteken korupsi alu jumlah ratusan triliun. La tanggung-tanggung. Adi siidah arah medsos uga jayana, ras senangna geluhna, tempa lanai lit man pandangan. Kai pe la lit kurang, geluhna desken sada nipi mehuli si kerina merincuh ndatkenca. Tapi kepeken e rehna arah cara si la bujur.

Bage me kinata geluh siidah Habakuk maka, selaku sekalak nabi, ia nuriken ukurna man Tuhan. Ngandung Habakuk sabap idahna kalak jahat jore tapi kalak benar tertindas, geluhna ikelewetti kecedan ras kejahatanen i japa pe, janah keadilan la pernah teridah. Erlebu pe man Tuhan tempa la IA ngaloi. Habakuk ertina ngerakut ntah pe ngepkep. Sada si banci ipelajari arah pergumulen Habakuk ras kawitenna ras gelar Habakuk e jine e me kap, lit kap rencana Tuhan man banta i bas kerina kecibal geluhta subuk mehuli entah la mehuli gia sekali jadi. Wajar kita bergumul di reh kenca perbeben. Amin gia tempa-tempa joren geluh kalak si la bujur asangken kita, teklah kita maka Dibata tetap nge kep-kepna kita. Amin sekelewet e desken sada udan si meder kal, bernak kita ras mbiar kita iembusken angin, adi sieteh maka lit nge si ngepkep kita tentu tetap nge ukurta. Jadi amin isekelewetta dem alu kejahatanen, ingetlah Tuhan si ngepkep kita, ula dage si pediat kuasai kejahatanen e kita, Tuhan kap ampang-ampangta.

Ula mbiar kena cilaka, Tuhan kap ras Kita

